

HAFNARREGLUGERÐ

fyrir Hafnarfjarðarhöfn.

Breytingar eru feitletraðar og gerð grein fyrir þeim með stuttum greinargerðum.

2. gr.

Stjórn hafnarinnar.

Hafnarfjarðarbær, er eigandi hafnarinnar. **Bæjarstjórn fer með yfirstjórn hafnarmála en framkvæmdastjórn skal falin hafnarráði sem sinnir verkefnum hafnarstjórnar. Sviðsstjóri hafnarþjónustu sinnir verkefnum hafnarstjóra samkvæmt reglugerð þessari.**

Hafnarfjarðarhöfn er rekin sem „höfn með hafnarstjórn í eigu Hafnarfjarðarbæjar“, í samræmi við V. kafla hafnalaga nr. 61/2003.

Hafnarráð er kjörið af bæjarstjórn skv. þeim reglum er gilda um kjör fastra nefnda bæjarstjórnar. **Hafnarráð** skipa 5 fulltrúar og 5 til vara.

Bæjarstjórn kys formann og varaformann úr hópi kjörinna **hafnarráðsmanna**. **Hafnarráð** skiptir að öðru leyti með sér verkum.

Auk hinna kjörnu fulltrúa situr **sviðsstjóri hafnarþjónustu** fundi **hafnarráðs** með málfrelsi og tillögurétt.

Greinargerð:

Í greininni er udirstrikað að bæjarstjórn fer með yfirstjórn hafnarmála en felur hafnarráði (hafnarstjórn) og sviðsstjóra hafnarþjónustu (hafnarstjóra) framkvæmdastjórnina. Bætt er við að bæjarstjórn kjósi varaformann sem er sambærilegt við önnur ráð. Í greininni kemur síðan, eins og annars staðar í reglugerðinni, hafnarráð í staðin fyrir hafnarstjórn. Einnig kemur heitið sviðsstjóri hafnarþjónustu í stað hafnarstjóra.

3. gr.

Starfs- og valdsvið hafnarráðs.

Hafnarráð hefur umsjón með fjármálum, rekstri, viðhaldi og nýbyggingum hafnarinnar. Leita skal samþykktar bæjarstjórnar á fjárhagsáætlun hafnarsjóðs svo og lántökum hafnarsjóðs lengur en yfirstandandi fjárhagsár.

Hafnarráð hefur ákvörðunarvald um rekstur hafnarinnar, svo sem ráðstöfun á aðstöðu, þ.m.t. leiga á húsnæði í eigu hafnarinnar og landi hennar.

Hafnarráð veitir leyfi til starfsemi á hafnarsvæðinu og hefur vald til að banna eða takmarka afnot hafnarsvæðis fyrir starfsemi sem hún telur torvelda eðlilegri hafnarstarfsemi.

Hafnarráð gerir tillögur til bæjarstjórnar varðandi skipulagsmál á hafnarsvæðinu, enda hafi tillögurnar fengið umfjöllun **skipulags- og byggingaráðs**.

Byggingamál á hafnarsvæðinu skulu hljóta umfjöllun **hafnarráðs** áður en þau eru lögð fyrir bæjarstjórn.

Hafnarráð leggur til, við bæjarstjórn, hverjum verði úthlutað lóðum á hafnarsvæðinu.

Hafnarráð getur kosið starfsnefndir til að vinna að einstökum afmörkuðum verkefnum. Umboð slíkra nefnda fellur niður við lok kjörtímabils bæjarstjórnar og fyrr ef verkefni starfsnefndar er lokið.

Hafnarráð getur afturkallað umboð slíkra starfsnefnda hvenær sem er.

Hafnarráð hefur eftirlit á hafnarsvæðinu, með byggingu mannvirkja sem undanþegin eru ákvæðum laga um mannvirki nr. 160/2010.

Önnur þau mál, sem **hafnarráð** fær til meðferðar, hljóta fullnaðarafgreiðslu í **hafnarráði**, nema lög mæli fyrir á annan veg.

Greinargerð:

Hafnarstjórn verður hafnarráð. Auk þess kemur skipulags- og byggingaráð í stað skipulagsnefndar.

Grein 4 fellur út.

Greinargerð:

Í stað þess að fjallað sé um störf hafnarráðs (áður hafnarstjórnar) í þessari reglugerð þá eru ákvæði um slíkt í samþykkt um stjórn Hafnarfjaraðarkaupstaðar.

4. gr.

Starfs- og valdsvið sviðsstjóra hafnarþjónustu.

Sviðsstjóri hafnarþjónustu er hafnarstjóri. Hann er ráðinn af bæjarstjórn að fenginni tillögu bæjarstjóra sem unnin er í samráði við hafnarráð. Sviðsstjóri hafnarþjónustu heyrir undir bæjarstjóra og fer hann með daglega stjórn hafnarinnar í umboði hafnarráðs. Sviðsstjóri undirbýr mál sem leggja á fyrir hafnarráð, veitir viðtöku erindum til þess og sér um framkvæmd samþykktar hafnarráðs. Hann veitir bæjarstjórn, hafnarráði og bæjarstjóra upplýsingar um málefni hafnarinnar. Hann sér um að fjárhagsáætlun sé fylgt og ber ábyrgð á fjárreiðum hafnarsjóðs. Hann er yfirmaður allra starfsmanna hafnarinnar og sér um ráðningu þeirra og uppsögn.

Sviðsstjóri skal vinna störf sín í samræmi við ákvæði hafnalaga og hafnarreglugerða, auk reglugerðar þessarar, ákvæði laga um siglingavernd og reglugerð þar um og að öðru leyti eftir samþykktum hafnarráðs og bæjarstjórnar.

Sviðsstjóri sér um að gætt sé reglu á öllu hafnarsvæðinu hvort sem er á sjó eða landi. Er öllum skylt að hlýða fyrirmælum hans, eða þeirra sem hann felur störf við eftirlit og aðgæslu.

Greinargerð:

Sviðsstjóri hafnarþjónustu kemur í stað hafnarstjóra. Greinin skýrir stöðu hans sem undirmann bæjarstjóra. Hafnarráð kemur í stað hafnarstjórnar. Í greininni segir að sviðsstjóri hafnarþjónustu sé hafnarstjóri og því er heitið hafnarstjóri notað í þeim greinum reglugerðarinnar sem koma á eftir.

5. gr.

Um aðra starfsmenn hafnarinnar.

Hafnarstarfsmenn sem hafa umsjón með eignum hafnarinnar, gæta reglu og sinna skipaþjónustu, skulu bera skilríki um starf sitt og/eða einkennisbúning samkvæmt ákvörðun hafnarráðs.

Starfsmenn hafnarinnar skulu gæta allrar kurteisi í starfi en skipunum starfsmanna ber að hlýða þegar í stað. Telji einhver sig órétti beittan af hálfu starfsmanna hafnarinnar getur hann kært það til hafnarstjóra.

Greinargerð:

Hafnarráð kemur í stað hafnarstjórnar.

Grein 6 verður grein 5.

Grein 7 verður grein 6.

Grein 8 verður grein 7.

Grein 9 verður grein 8.

Grein 10 verður grein 9.

Grein 11 verður grein 10.

Grein 12 verður grein 11.

Grein 13 verður grein 12.

Greinargerð:

Númer greinanna breytast þar sem áður grein 4 fellur út.

13. gr.

Kæruheimild.

Notendum Hafnarfjarðarhafnar er heimilt að skjóta ákvörðunum **hafnarráðs** samkvæmt reglugerð þessari, öðrum en gjaldskrárákvörðunum, til Siglingastofnunar Íslands. Ákvörðunum Siglingastofnunar má skjóta til samgönguráðherra. Um málsmeðferð fer samkvæmt ákvæðum stjórnarsýslulaga.

Greinargerð:

Hafnarráð kemur í stað hafnarstjórnar.

14. gr.

Brot.

Brot gegn **6.**, **7.** og **9.** gr. reglugerðar þessarar varða sektum nema þyngri refsing liggji við samkvæmt lögum og fer um þau mál að hætti laga um meðferð sakamála, nr. 88/2008.

Greinargerð:

Númer greina sem vísað er í breytast.

15. gr.

Gildistaka.

Reglugerð þessi, sem sett er samkvæmt 4. gr. hafnalaga nr. 61/2003 og 17. gr. laga nr. 417/2003 um vaktstöð siglinga, staðfestist hér með til að öðlast þegar gildi og birtist til eftirbreytni öllum þeim sem hlut eiga að máli. Reglugerð þessi kemur í stað reglugerðar með sama heiti, nr. **423/2012**.

Greinargerð:

Númer reglugerðar breytist.

Viðaukar eru óbreyttir.